

Soalan Lazim :

- 1. Bagaimana jika saya kurang/tiada capaian internet untuk mengikuti Pengajaran dan Pembelajaran (PdP) secara dalam talian ?**

Tenaga pengajar akan mempelbagaikan alternatif penyampaian bagi memastikan semua pelajar mendapat akses kepada bahan pengajaran yang disampaikan. Walau bagaimanapun, bagi para pelajar yang kurang/tiada capaian internet dan tiada alternatif lain untuk mengikuti PdP secara *online* serta tidak dapat pulang ke kampus untuk PdP bersemuka akan dinasihatkan untuk menangguhkan pengajian bagi Semester 2.

- 2. Bagaimanakah sesi pertemuan secara dalam talian diselaraskan?**

Jadual Waktu Kuliah sedia ada akan digunapakai bagi mengelakkan pertindihan waktu pertemuan dengan pelajar.

- 3. Bilakah jangkaan pelajar dibenarkan pulang ke kampus?**

Sekiranya tempoh Perintah Kawalan Pergerakan (PKP) tamat dalam tempoh minggu kuliah sedang berlangsung, pelajar akan dibenarkan pulang ke kampus untuk mengikuti PdP secara bersemuka mulai 1 Jun 2020. Pihak Universiti akan menyelaraskan pergerakan pelajar kembali ke kampus secara berperingkat bagi memastikan proses saringan susulan COVID-19 dapat dibuat dengan teratur dan lancar.

- 4. Bagaimana dengan kursus-kursus yang tidak dapat dilaksanakan secara atas talian, contohnya kursus yang mempunyai sesi makmal/ FYP/ IDP/ Bengkel/ Ko-kurikulum dll?**

a) Bagi kursus-kursus yang perlukan Pengajaran dan Pembelajaran sepenuhnya secara bersemuka, kursus-kursus tersebut akan ditarik balik daripada penawaran pada Semester 2, dan akan ditawarkan semula semasa Semester Pendek. Pelajar perlu mendaftar kursus seperti biasa.

- b) Bagi kursus-kursus yang sebahagiannya boleh dilaksanakan secara dalam talian, kursus akan diteruskan seperti biasa, tetapi di akhir Semester 2, para pelajar kursus tersebut akan diberikan gred TIDAK LENGKAP (TL) dan kursus akan disambung semula pada Semester Pendek untuk melengkapkan baki komponen kursus yang memerlukan pertemuan bersemuka, sebelum peperiksaan akhir dilaksanakan.

5. Adakah Latihan Industri akan dilaksanakan dalam tempoh ini?

Pusat Kerjasama Industri dan Agensi Kerajaan (CIGC) akan mengeluarkan pemakluman rasmi berkaitan pindaan tarikh pelaksanaan Latihan Industri untuk semua program pengajian.

6. Apakah yang dimaksudkan dengan Semester Pendek?

- a. Semester Pendek adalah semester yang dikhususkan untuk para pelajar mod kemasukan fleksi dan program-program kerjasama (MARA/PSDC).
- b. Walaubagaimanapun, bagi memastikan PdP Semester 2 yang terjejas akibat penularan wabak COVID-19 dapat diteruskan, Semester Pendek ini dicadang untuk dibuka kepada kursus-kursus mod sepenuh masa bagi tujuan:
- i. penawaran kursus-kursus teras atau wajib universiti yang tidak dapat dilaksanakan secara *online* semasa Semester 2. Kursus ini akan ditarik balik daripada penawaran pada Semester 2, dan akan ditawarkan semula semasa Semester Pendek. Pelajar perlu mendaftar kursus seperti biasa;
 - ii. penawaran kursus-kursus ko-kurikulum yang tidak dapat dilaksanakan secara *online* semasa Semester 2. Kursus ini akan ditarik balik daripada penawaran pada Semester 2, dan akan ditawarkan semula semasa Semester Pendek. Pelajar perlu mendaftar kursus seperti biasa;
 - iii. sambungan sesi PdP secara bersemuka bagi komponen kursus seperti makmal/ FYP/ IDP/ Bengkel yang tidak dapat dilaksanakan secara *online* semasa Semester 2. Semua pelajar kursus ini akan diberikan gred TIDAK LENGKAP (TL) dan kursus akan disambung semula pada Semester Pendek untuk melengkapkan baki komponen kursus yang memerlukan pertemuan bersemuka, sebelum peperiksaan akhir dilaksanakan;
 - iv. penawaran kursus teras atau wajib universiti kepada pelajar yang dikenalpasti kurang/tiada capaian internet dan tiada alternatif lain untuk mengikuti sepenuhnya PdP secara *online* dan keutamaan adalah kepada pelajar tahun akhir yang akan bergraduasi. Pelajar perlu menangguhkan pengajian pada Semester 2 dan mendaftar semula kursus berkaitan pada Semester Pendek.

7. Adakah yuran pengajian dikenakan kepada para pelajar yang mengikuti Semester Pendek?

Pelajar mod sepenuh masa tidak akan dikenakan yuran untuk Semester Pendek kerana ini adalah tempoh khas yang diberikan untuk melengkapkan PdP Semester 2.

8. Adakah Semester Tambahan masih dilaksanakan?

Ya, semester tambahan dilaksanakan seperti biasa. Pendaftaran kursus bagi kursus-kursus yang ditawarkan pada Semester Tambahan akan dibuka pada Minggu ke-12 kuliah iaitu pada 11 Mei 2020 hingga 17 Mei 2020.